



## ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

### «ՀԱՅԱՍՏԱՆԻ ՖԻԶԻԿԱԿԱՆ ԿՈՒԼՏՈՒՐԱՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏ» ՀԻՄՆԱԴԻՐԱՄԻ ԵՎ ԱՐՑԱԽԻ ՀԱՆՐԱՊԵՏՈՒԹՅԱՆ ՄԵՍՐՈՊ ՄԱՇՏՈՑ ՀԱՄԱԼՍԱՐԱՆԻ ՄԻՋԵՎ

**Հաշվի առնելով**, որ Կողմերն ընդունում են փոխադարձ համագործակցությունը և փորձի փոխանակումը,

**Նկատի ունենալով**, որ համատեղ համագործակցությունը հնարավոր է միայն կառուցողական փոխգործակցության և փոխօգնության կազմակերպմամբ,

**Կարևորելով** ֆիզիկական կուլտուրայի դասավանդման անհրաժեշտությունը՝ առողջ սերնդի կրթման և առողջ ապրելակերպի քարոզչության համատեքստում,

**Ընդունելով** վերապատրաստման համատեղ դասընթացների կազմակերպման և անցկացման Կողմերի ջանքերը և պատրաստակամությունը,

**Հիմք ընդունելով** սույն Հուշագիրը և փոխադարձ պայմանավորվածությունները.

**Կողմերը համաձայնեցին հետևյալի շուրջ՝**

#### 1. Համագործակցության նպատակը

Սույն Հուշագրով Կողմերը նախատեսում են Հայաստանի Հանրապետության և Արցախի Հանրապետության օրենսդրության շրջանակներում համագործակցել հիւշագրի 2-րդ մասով նախատեսված ուղղություններով՝ իրենց հնարավորությունների, միջոցների և փորձի կիրառմամբ:

## **2. Համագործակցության ուղղությունները**

- 2.1 Կողմերն իրականացնում են մասնագիտական և ասպիրանտական հետազոտական համատեղ ծրագրեր:
- 2.2 Կողմերն համագործակցում են համատեղ կրթական ծրագրերի, ինչպես նաև ուսումնական և լաբորատոր բազաների օգտագործման շրջանակներում, իրականացնում են ուսանողների և դասախոսների փոխանակում՝ համաձայն Կողմերի միջև հետագայում հաստատվող պլանի և ժամանակացույցի,
- 2.3 Կողմերը համատեղ ստեղծում են կամավորական ուսանողական թիմեր և միասնական ջոկատներ և համակարգում են նրանց աշխատանքները,
- 2.4 Համատեղ իրականացնում են փոխայցելություններ ուսանողական պրակտիկաների ընթացքում,
- 2.5 Իրականացնում են երկկողմանի հետաքրքրություն ներկայացնող ուսումնակրթական բնույթի ծրագրեր, այդ թվում՝ համապատասխան ոլորտներում համատեղ հետազոտություններ,
- 2.6 Կողմերը համագործակցում են միջազգային գիտական կոնֆերանսների, սեմինարների, ստեղծագործական բանավեճերի, խորհրդակցությունների համագործակցության շրջանակներում,
- 2.7 Իրականացնում են գիտական, մասնագիտական գրականության, մեթոդական ձեռնարկների, աշխատությունների, պարբերականների և այլ նյութերի փոխանակում:
- 2.8 Կարող են համատեղ իրականացվող աշխատանքների արդյունքների, դրանց խոչընդոտող հանգամանքների մասին տեղեկատվություն հայցել և ստանալ,
- 2.9 Հնարավորություն ունեն համատեղ օգտագործել կողմերի գրադարանային ֆոնդերը:

## **3. Համագործակցության սկզբունքները**

Կողմերը սույն Հուշագրի սահմաններում իրենց գործառույթներն իրականացնում են օրինականության, փոխօգնության, համագործակցության սկզբունքներով:

## **4. Եզրափակիչ դրույթներ**

- 4.1 Սույն Հուշագիրը կնքվում է 21.09.2020թ-ին ԱՀ Ստեփանակերտ քաղաքում, երկու բնօրինակից հայերեն լեզվով, որոնք ունեն հավասար իրավաբանական ուժ: Յուրաքանչյուր կողմին տրվում է մեկական օրինակ:

4.2. Սույն Հուշագրի լրացումներն ու փոփոխությունները համարվում են Հուշագրի անբաժանելի մասը:

4.3 Սույն Հուշագիրը չի առաջացնում ֆինանսական պարտավորություններ Կողմերի համար:

4.4 Յուրաքանչյուր կողմ կարող է միակողմանիորեն խզել Հուշագիրը՝ այդ մասին մեկ ամիս առաջ տեղյակ պահելով մյուս կողմին:

4.5 Սույն Հուշագիրը ուժի մեջ է մտնում ստորագրման պահից և գործում անժամկետ:


### Կողմերի վավերապայմանները և ստորագրությունները

#### Կողմ 1

Արցախի Հանրապետության  
«Մերոպ Մաշտոց համալսարան»

ք. Ստեփանակերտ, Գ. Նժդեհի 72

Ռեկտոր՝ Դոնարա Գաթրիեյան



#### Կողմ 2

«Հայաստանի ֆիզիկական կուլտուրայի  
և սպորտի պետական ինստիտուտ»  
հիմնադրամ

ք. Երևան, Ալեք Մանուկյան 11

Ռեկտորի ժ/պ՝ Դավիթ Խիթարյան

